



Nunavunmi Avatiliqiyit Katimayiit  
Hivituyughaq Imautiqarniqmut Ikayuutit – Imainnaq Imautighaq  
Imautinilu Nunautainik Ihivriughiyut Tughirautait



## **Nunavunmi Avatiliqiyit Katimayiit**

**Hivituyughaq Imautiqarniqmut Ikayuutit – Imainnaq Imautighaq Imautinilu  
Nunautainik Ihivriughiyut Tughirautait**

## **Nainaaqhimajut**

## Naunaitkutait

Iqaluit ayuqnaqtunik akirautiqaliqtut imiqtaghanik imautinut inugiaghivalliangmat mihingnautainillu hila aallannguqpalliangmat. Ihuaqhainahuariamik hapkuninnga ihumaaluutunik, Nunallaaq kivgaqtiillu hanahimmaarahuat hanayaghamik nutaannguqtiriamik imautiqaqviit imiqtautinullu ikluqpautait. Nutaannguqtiqtaghat naahuriyaayut taimaa pakpautiqarlutik halummaqhivingmiklu talvanngat Qikiqtalik Tahianit (ilihimayaayuqlu taimaa Atiittuq Tahiq) taimaa tuqhualiqhilutik talvunga nutaamut hanayauhaaqtumut tahiraliuqhimayumik kingighitiplugu avatiit talvani akiani tahiq Geraldine. Imiqtaqvingnik nutaannguqtiqtaghat pingahuuniaqtut: imainnaqmik imiqtariamik, imainnaqmik tuqhualiqhilutik, imainnaqmik imautiqaqvighamik. Hapkua hanayaghat hivumuuqpalliayaamik nutaannguqtiriamik, hivunighamilu piinnarialiutikkut iniqhivalliaplutik, aghuurnaqpiaqtuq taimaa ihivriughittiaristik nunamik. Hapkua ihivriughitit qauyihautighayut taja atuqtauyunik nayugaghaq ataanilu nunam qanurininganiani. Hivituniit hapkua ihivriughayut, Nunallaaq naahuriyut ihivriughivighaanik maniraqmik 2023-mi, iniqniaqhimaqlutik auyami 2024-mi.

## Hughayut

Hapkua havaaghaat tughirautayut hivumuuqtittiyaamik nunamik ihivriughiyughaq. Nunamik ihivriughiyut ihivriurahuaghaat qaangat iluanilu qanurininganiinik hivunighami pakpautighaq, tughutjat, tahiraqlu imautighaq ihumaliurutigiyamik taamna maniraq naammagiaghaanik hanauhighaanut, piinnarialiutitut hanayaamiklu havaaghaat.

## Havaughait

Qauyihailutik nunamik ikuutaqtughanik aullaqtittianahuat nunamik ihivriughiyamik ikuutaqlutiklu 24-nik putuliuglutik itiyunik (12-niklu putuliuglutik itiyunik ~ 5 meters-nik 12-niklu putuliuglutik itiyunik 10 metersnik). Imainnaqmik tuqhuaghaanut, malruuyut atuqtaunginnarialgit ingilravighaat ilitturiyauhimayut ihivriughitinnatik. Tamangnik ingilravighaat aajikkutavyamik unghiktigiitkut taimaa 12-nik putuliuglutughaat naallugit nunamik qauyihaiyamik. 6-nguyut putuliuglutit 5 metersnik itiyunik 6-lu putuliuglutit 10 metersnik itiyunik tukliriiklutik. Ilangi unipkaaahimayut 12-nguyut putuliughimayut pakpautiqaqvigniat ikluqpangmik nunamik qauyihavighaat. Nutaag tahiraghaq 12-nik putuliughimayughaq, 6-nguyut 5 metersnik itilutik 6-lu itilutik 10 metersmik. Nayugaghait ihumaliuqtauniaqtut unniqtuiyim pitquhimayaigut hannavighaallu qanurininganiagut/qauyihautagut. Kihimi, taamna Nunamik ihivriughivighaat putuliughimayut nayugaghaqniat pingahunik:

1. Talvani pakpautiqaqvighami akianiittuq Atiittuq Tahiq hivuraanik ihivriughitait nayugaghaanik aktigiyuq taimaa 10 m x 10 m qitqaalu qulaanut unghiktigiyuq taimaa 63.779769, haningnullu taimaa -68.450412
2. Talvani tahiraq nayugaghaat akiani Tahiq Geraldin kivalliqhianik ihivriughivianik taimaa aktigiyuq 750 m x 350 m qitaalu qulaanut unghiktigiyuq taimaa 63.761552 taimaalu haningnut -68.492085
3. Ingilravighaanik tuqhuaq (2) takiyaaqlutik 5 km-nik akunngani pakpautiqaqvik tahiqlu tamangnik ingilraviit ihivriughiviqarlutik nirutuyumik 10 metersnik

## Avatiliqiniqmut Ihumagiyaghat

Havaaghanik havaktughat parnaiyainiaqtut ihariagiyaannik munaqtighat parnaiyautainik, taapkualu kuviyuqarniqqat halummaqhiyaamik parnaiyautinik, aanniaqtailiniqmut aanniaqtailiniqmullu parnaiyautinik, uqhiqhiyaamik havauhiqnik, nunguvalliyunik katiqhugaqniklu munaqtighat parnaiyautainik ihuaqhautighat piqpaluiyautiinik putuliuhimayunit iniqtaukpat qauyihaiyut havaangit. Ihumagilluarniaqtait taapkua piqpaluiyaqtaililugit amirnaqtunik nauttialingnik anngutighaniklu. Atuqlutik qayangnaittunik ikuutaqnut uqhughanik halumaiqtailiyaamik immat talvani nayugaanit.

### **Hunaqutinik Havaktighaniklu Atuqtut**

Nunanik ihivriuqhinahuat naahuriyauyut aturiamik hapkuninnga pivighanik iniriamik ihivriuqtaat:

- Putuliurutik Ikuutaq
- Qiuqutaittuq aghaluutik
- Uqhuquyuaq
- Kaassiliit
- Ikayuutighaq aghaluut
- Ikkighat
- 5-nikluuniit havaqatigiiktughanik